



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

<p>1928 წლის ოქტომბრის 1.</p>	<p>№ 18 განყოფილება პირველი</p>	<p>ა/კ. ც. ა. კომიტ. საკანონ- მდებლო კომისიასთან არ- სებული კანონთა გამოქვე- ყნების განყოფილების მიერ გამოცემული.</p>
-----------------------------------	-------------------------------------	---

შ ი ნ ა ა რ ს ი:

- მუხ. 183. თავდაცვისა და საავიაციო-საქიმიო მშენებლობის მეგობართა საკავშირო საზოგადოე-
ბის მიერ მოწყობილ მანევრებში მონაწილე, ამ საზოგადოების წევრ-მუშათა და მო-
სამსახურეთა კომპენსაციის შესახებ.
- „ 190. ადგილობრივ ბიუჯეტზე მყოფ დაწესებულებებში სამუშაო ხელფასის სახელმწიფოებ-
რივი დანორმების განხორციელების შესახებ.
- „ 191. იმ თანამდებობის პირთა ნუსხის შესახებ, რომელთაც უფლება აქვთ მიიღონ სსრკ
ცენტრალური აღმასრულებელი კომიტეტისა და სახალხო კომისართა საბჭოს მიერ
„სსრკ შორეულ ადგილებში სახელმწიფო დაწესებულებათა და საწარმოთა მომუშავე-
თათვის მისაცემი შეღავათების თაობაზე“ 1927 წ. მაისის 11-ს თარიღით გამოცემული
დადგენილებით გათვალისწინებული დამატებითი შეღავათები.
- „ 192. სახელმწიფო სარეწავი გადასახადის გამონაკლისებისა და შეღავათების ნუსხის შეცვლის
შესახებ.
- „ 193. პირადი რეწაობის დაბეგრვისათვის სახელმწიფო სარეწავი გადასახადის მტკიცე გა-
ნაკვეთების დაწესების შესახებ.
- „ 194. იმ საქონლის ნუსხის შესახებ, რომლის ვაჭრობაც აკრძალულია სახელმწიფო სარეწა-
ვი გადასახადის მტკიცე განაკვეთების მიხედვით.
- „ 195. დებულება ა/კ/ფსრ სახალხო კომისართა საბჭოსთან არსებული მომზადდებელი კო-
მისიის შესახებ.
- „ 196. სსრკ-ის და ა/კ/ფსრ-ს მთავრობის მიერ 1928 წ. საშემოდგომო თესვის კამპანიასთან
დაკავშირებულ ღონისძიებათა თაობაზე გამოცემულ დადგენილებების განხორციელე-
ბისათვის მეთვალყურეობისა და კონტროლის გაწევის შესახებ.
- „ 197. ა/კ/ფსრ უმაღლეს ეკონომიურ საბჭოსთან არსებული ამიერკავკასიის უმაღლესი საარ-
ბიტრაჟო კომისიის დებულების მე-4 მუხ. დამატების შესახებ.
- „ 198. კავკასიის წითელდროშიანი არმიის მანევრებში მონაწილე, „რადიოს მეგობართა“
საზოგადოების წევრ-მუშათა და მოსამსახურეთა კომპენსაციის შესახებ.
- „ 199. საადმინისტრაციო-სამეურნეო ხარჯების შემცირების უზრუნველსაყოფად სახელმწიფო
და ადგილობრივი ბიუჯეტებით კრედიტების დახურვის შესახებ.

- მუხ. 200. სრულიად საკავშირო კომუნისტური პარტიისა (ბ) და სრულიად საკავშირო ახალგაზრდა ლენინელთა კომუნისტური კავშირის ყრილობებსა, კონფერენციებსა და პლენუმებში მონაწილეობის მისაღებად არჩეული მუშებისა და მოსამსახურეებისათვის სამუშაო საშოვარის შენარჩუნების შესახებ.
- „ 201. ა/კსფსრ ტერიტორიაზე 1928-29 წელს საბჭოთა არჩევნების წარმოებისა და საბჭოთა ყრილობების მოწვევის შესახებ.
- „ 202. ა/კსფსრ შრომის სახალხო კომისარიატთან არსებული სოციალური დაზღვევის ამიერკავკასიის საბჭოს დებულების ახალი რედაქციის შესახებ.
- „ 203. პერსონალური პენსიის შესახებ.
- „ 204. ა/კსფსრ-ის კოაპერაციისათვის სახელმწიფო ბიუჯეტით გადადებული ასიგნებების დასაბრუნებელ და დაუბრუნებელ ასიგნებად განაწილების წესებისა და ა/კსფსრ შედგენილობაში შემავალი ცალკე რესპუბლიკებისათვის დასაბრუნებელი ასიგნების გადაცემის ტექნიკური წესის დამყარების შესახებ.
- „ 205. დებულება ა/კსფსრ ერთიანი სახელმწიფო ბიუჯეტით სოფლის მეურნეობის ფინანსიურად მოვარების შესახებ.
- „ 206. ცეცხლის შემკეთებელთა აუცილებელი სწავლების შესახებ.
- „ 207. დებულება ა/კ. ცენ. აღმ. კ-ტეტთან არსებული მშრომელ ქალთა შრომისა და ყოფაცხოვრების გამაუმჯობესებელი კომისიის შესახებ.

დადგენილება ამიერკავკასიის ცენტრალური აღმასრულებელი კომიტეტისა.

189. თავდაცვისა და საავიაციო-საქიმიო მშენებლობის მეგობართა საკავშირო საზოგადოების მიერ მოწყობილ მანევრებში მონაწილე ამ საზოგადოების წევრ-მუშათა და მოსამსახურეთა კომპენსაციის შესახებ.

ამიერკავკასიის ცენტრალური აღმასრულებელი კომიტეტი ადგენს:

თავდაცვისა და საავიაციო საქიმიო მშენებლობის მეგობართა საკავშირო საზოგადოების მიერ ა/კსფსრ შედგენილობაში შემავალ რესპუბლიკებში მოწყობილ მანევრებში მონაწილე, სხენებული საზოგადოების წევრ მუშათ და მოსამსახურეთ შეენარჩურთ სამსახურის ადგილი და საშუალო სამუშაო საშოვარი მიმდინარე წლის აგვისტოს 28 დან დაწყებული, ვიდრე სექტემბრის 5-დემამრიცხვითურთ.

ამიერკავკასიის ცენტრალური აღმასრულებელი კომიტეტის თავმჯდომარე **ალამალი-ოღლი.**

ამიერკავკასიის ცენტრალური აღმასრულებელი კომიტეტის მდივანი **ა. შავერდოვი.**

1928 წ. სექტემბრის 4. ტფილისი—სასაზღე.

გამოქვეყნებულია „ზარია ვოსტოკა“-ს 205 №-ში 1928 წ. სექტემბრის 5-ს.



დადგენილება № 60 ა/კსუსრ სახალხო კომისართა საბჭოსი.

190. ადგილობრივ ბიუჯეტზე მყოფ დაწესებულებებში სამუშაო ხელფასის სახელმწიფოებრივი დანორმვის განხორციელების შესახებ.

ა/კსუსრ სახალხო კომისართა საბჭო ადგენს:

1. განხორციელებულ იქნეს 1929 წლის იანვრის 1-დან ა/კსუსრ შედგენილობაში შემავალ ყველა რესპუბლიკაში ადგილობრივ ბიუჯეტზე მყოფ დაწესებულებების მოსამსახურეთა სამუშაო ხელფასის სახელმწიფოებრივი დანორმვის სისტემა (მტკიცე თანამდებობრივი ჯამაგირების სისტემა).

2. სამუშაო ხელფასის სახელმწიფოებრივი დანორმვა განხორციელებულ იქნეს სამუშაო ხელფასის ფონდების იმ ფარგლებში, რაც განსაზღვრულ იქნება 1928/29 წლის ბიუჯეტით, და იმ, ბიუჯეტგარეშე, მტკიცე წყაროების ფარგლებში, რომელთა ხარჯვაც სამუშაო ხელფასისათვის სპეციალური ხარჯაღრიცხვების მიხედვით ნება დართული იქნება.

3. სამუშაო ხელფასის სახელმწიფოებრივი დანორმვა განხორციელებულ უნდა იქნეს არსებული შტატების საფუძველზე და სასყიდლის ფაქტიური გაცემის მიხედვით, რაც განსაზღვრულია ან პროფესიონალურ კავშირთან შეთანხმების წესით, ან და არა ნაკლებ, ვიდრე უკანასკნელი ორი თვის განმავლობაში თვითეული თანამდებობისათვის ფაქტიურად გაცემული სასყიდლის მიხედვით; ამასთანავე, არ უნდა იქნეს შემცირებული ფაქტიური სამუშაო ხელფასი მომუშავეთა რამდენადმე თვალსაჩინო რიცხვისათვის.

4. მტკიცე შტატებისა და ჯამაგირების განსაზღვრა მოხდება შემდეგი წესით: აღმასრულებელი კომიტეტის სათანადო განყოფილება, სათანადო პროფესიონალურ კავშირთან ერთად, შეიმუშავებს, ა/კსუსრ მუშათა და გლეხთა ინსპექციის სახალხო კომისარიატის მიერ მინაჩენი თანამდებობათა ნომენკლატურის მიხედვით, ამა თუ იმ დაწესებულების საშტატო-საჯამაგირო ნუსხის პროექტს, რასაც შემდგომ განიხილავს აღმასრულებელი კომიტეტი შრომისა, მუშათა და გლეხთა ინსპექციისა და ფინანსთა სახალხო კომისარიატებისა, სამაზრო პროფესიონალური ბიუროს და სათანადო პროფესიონალური კავშირის წარმომადგენელთა აუცილებელი მონაწილეობით. აღმასრულებელი კომიტეტის მიერ მიღებული საშტატო-საჯამაგირო ნუსხა წარედგინება ა/კსუსრ შედგენილობაში შემავალი სათანადო რესპუბლიკის შრომის სახალხო კომისარიატს, რომელიც დაამტკიცებს მას ფინანსთა და მუშათა და გლეხთა ინსპექციის სახალხო კომისარიატებთან და პროფესიონალურ კავშირთა საბჭოსთან შეთანხმებით.

შენიშვნა 1. იმ მაზრაში, სადაც შრომის სახალხო კომისარიატის ორგანო არსებობს, საშტატო-საჯამაგირო ნუსხების დამზადება აღმასრულებელი კომიტეტისათვის ამ ორგანოს დაეკისრება; იქ-კი, სადაც შრომის სახალხო კომისარიატის ორგანო არ არსებობს, ამ ნუსხების დამზადება

აღმასრულებელმა კომიტეტმა შეიძლება დააკისროს ამა თუ იმ ორგანოს თავისი შეხედულებისამებრ

შენიშვნა 2. ცალკე შემთხვევაში მაზრის დაწესებულებებისათვის სა-შტატო-საჯამაგრო ნუსხის პროექტის წინასწარი შემუშავება შეუძლიან თვით სათანადო შრომის სახალხო კომისარიატს; ამასთანავე, აუცილებლად უნდა მიიწვიოს ამ საქმეში მონაწილეობისათვის ადგილობრივი აღმასრულებელი კომიტეტისა და ადგილობრივი პროფესიონალური ორგანიზაციის წარმომადგენელი პროფესიონალურ კავშირთა საბჭოს დასახელებით.

შენიშვნა 3. ავტონომიური რესპუბლიკისა და ოლქის დაწესებულებათა საშტატო-საჯამაგრო ნუსხებს საბოლოოდ დაამტკიცებს ამ რესპუბლიკისა და ოლქის შრომის სახალხო კომისარიატა, სათანადო მუშათა და გლეხთა ინსპექციისა და ფინანსთა სახალხო კომისარიატებთან და პროფესიონალურ კავშირთან შეთანხმებით.

4. თანამდებობრივი ჯამაგირების გასაცემად საჭირო ხარჯების გარდა, სამუშაო ხელფასის კრედიტით ვათვალისწინებულ უნდა იქნეს ცალკე ის თანხები, რაც საჭიროა თანამდებობრივი ჯამაგირის პერსონალური ზედნართისა, ზედმეტი სამუშაოს სასყიდლისა და გამოსასვლელი დახმარების გასაცემად, აგრეთვე შვებულებაში წასული თანამშრომლების მენაცვლეთა და დროებით მომუშავეთა დასაქირავებლად, უწყების აუცილებელი ნამდვილი საამბიზნო მოთხოვნილების ფარგალში.

6. ამა დადგენილების მე-4 მუხლის წესისამებრ განსაზღვრული შტატებისა და ჯამაგირების შეცვლა ამა თუ იმ მიმართულებით დაწესებულების ადმინისტრაციას არ შეუძლიან დამოუკიდებლად და ყოველი ცვლილება საბიუჯეტო წლის განმავლობაში შეიძლება მარტოდენ: შტატებისა—მუშათა და გლეხთა ინსპექციის სათანადო ორგანოს ნებართვით, ხოლო ჯამაგირებისა—შრომის სახალხო კომისარიატის ნებართვით, ამა დადგენილების მე-2 მუხ. ფარგლებში.

7. დაევალოს ა/კფსრ შრომის სახალხო კომისარიატს, ა/კფსრ ფინანსთა და მუშათა და გლეხთა ინსპექციის სახალხო კომისარიატებთან და ამიერკავკასიის პროფესიონალურ კავშირთა საბჭოსთან შეთანხმებით, გამოსცეს ერთი კვირის ვადაზე ინსტრუქცია ამა დადგენილების შესაფარდებლად.

ა/კფსრ სახალხო კომისართა საბჭოს თავმჯდომარე **შ. ელიავა.**

ა/კფსრ სახალხო კომისართა საბჭოს საქმეთა
მმართველის თან. დრ. აღმ. ა. ბომბინი.

1928 წ. აგვისტოს 4. ტფილისი—სასახლე.

გამოქვეყნებულია „ზარია ვოსტოკა“-ს 206 №-ში 1928 წ. სექტემბრის 6-ს.

დადგენილება № 121 ა/კსფსრ შრომის სახალხო კომისარიატისა.

1928 წ. აგვისტოს 18.

191. იმ თანამდებობის პირთა ნუსხის დამატების შესახებ, რომელთაც უფლება აქვთ მიიღონ სსრკ ცენტრალური აღმასრულებელი კომიტეტისა და სახალხო კომისართა საბჭოს მიერ „სსრკ-ის შორეულ ადგილებში სახელმწიფო დაწესებულებათა და საწარმოთა მომუშავეთათვის მისაცემი შეღავათების თაობაზე“ 1927 წ. მაისის 11-ს თარიღით გამოცემული დადგენილებით გათვალისწინებული დამატებითი შეღავათები.

ა/კსფსრ შრომის სახალხო კომისარიატი, ა/კსფსრ ფინანსთა სახალხო კომისარიატთან, ა/კსფსრ მუშათა და გლეხთა ინსპექციის სახალხო კომისარიატთან და ა/კ. პროფესიონალურ კავშირთა საბჭოსთან შეთანხმებით, ადგენს:

მიღებულ იქნეს სამოქმედოდ ა/კსფსრ ტერიტორიაზე სსრკ შრომის სახალხო კომისარიატისა, სსრკ ფინანსთა სახალხო კომისარიატისა, სსრკ მუშათა და გლეხთა ინსპექციის სახალხო კომისარიატისა და სრულიად საკავშირო პროფესიონალურ კავშირთა ცენტრალური საბჭოს 1928 წ. ივლისის 24-ს თარიღისა და 424 №-ის დადგენილება „იმ თანამდებობის პირთა ნუსხის დამატების შესახებ, რომელთაც უფლება აქვთ მიიღონ სსრკ ცენტრალური აღმასრულებელი კომიტეტისა და სახალხო კომისართა საბჭოს მიერ „სსრკ-ის შორეულ ადგილებში სახელმწიფო დაწესებულებათა და საწარმოთა მომუშავეთათვის მისაცემი შეღავათების თაობაზე“ 1927 წ. მაისის 11-ს თარიღით გამოცემული დადგენილებით გათვალისწინებული დამატებითი შეღავათები“.

ა/კსფსრ შრომის სახალხო კომისარი იაშვილი.

შეთანხმებულია: ა/კსფსრ მ/გ. ინსპ. სახ. კ-ტთან,
ა/კსფსრ ფინ. სახ. კ-ტთან და ა/კ.
პროფ. კავშირთა საბჭოსთან.

(შემოღებულია ა/კსფსრ-ში ა/კსფსრ შრომის სახ. კ-ტის 1927 წ. აგვისტოს 18-ს თარიღისა და მე-60 №-ის დადგენილებით.—„ა/კსფსრ შრ. ვესტნიკი“ 1927 წ. მე-16 №-რი, გვ. 1).

გამოქვეყნებულია „ზარია ვოსტოკა“-ს 206 №-ში 1928 წ. სექტემბრის 6-ს.

დადგენილება № 61 ა/კსფსრ სახალხო კომისართა საბჭოსი.

192. სახელმწიფო სარეწავი გადასახადის გამონაკლისებისა და შელავათების ნუსხის შეცვლის შესახებ.

სახელმწიფო სარეწავი გადასახადის შელავათების ნუსხის მე-3 მუხლის 1-ლი შენიშვნის (სსრკ. ცენ. აღმ. კ-ტისა და სახ. კ-თა საბჭოს მიერ 1928 წ. აგვისტოს 10-ს დამტკიცებული სარეწავი გადასახადის დებულების მე-2 №-ის დანართი) თანახმად ა/კსფსრ სახალხო კომისართა საბჭო აღგენს:

ზემოაღნიშნული ნუსხის მე-3 მუხ. „ბ“ პუნქტით გათვალისწინებული შელავათი არ იქნეს გავრცელებული ქვემოთ დასახელებული საქონლის ვაჭრობაზე:

1. ძვირფასი ქვები, ოქროს და პლატინის ნაკეთობა.
2. ვერცხლისა და ბრინჯაოს ნაკეთობა (წვრილ-წვრილი იაფფასიანი და ადგილობრივი შინამრეწველობის წარმოების ნაკეთობის გამოკლებით).
3. საანტიკვარო ნივთები.
4. ოპტიური, ფოტოგრაფიული, ქირურგიული, ფიზიკური და სხვ. ხელსაწყო, საკერაეი და საქსოვი მანქანები.
5. ბეწვეული და ბეწვის ნაკეთობა, მათ შორის იხვისა და გედის ყუითუკი.
6. მზა-ტანისამოსი და საცვალი, ნახმარის გარდა.
7. ყოველგვარი მატერია და ქსოვილი და მათი ნაკეთობა, ნახმარი საგნებისა და შინანაქსოვი მატერიების გარდა.
8. მაგარი სასმელები.

ა/კსფსრ სახალხო კომისართა საბჭოს თავმჯდომარე შ. ელიავა.

ა/კსფსრ სახალხო კომისართა საბჭოს საქმეთა
მმართველის თან. დრ. აღმ. ა. ბომბინი.

1928 წ. სექტემბრის 3. ტფილისი-სასახლე.

გამოქვეყნებულია „ზარია ვოსტოკა“-ს 207 №-ში 1928 წ. სექტემბრის 7.

დადგენილება № 62 ა/კსფსრ სახალხო კომისართა საბჭოსი.

193. პირადი რეწაობის დაბეგვრისათვის სახელმწიფო სარეწავი გადასახადის მტკიცე განაკვეთების დაწესების შესახებ.

სსრკ ცენ. აღმ. კ-ტისა და სახალხო კომისართა საბჭოს მიერ 1928 წ. აგვისტოს 10-ს დამტკიცებული სახელმწიფო სარეწავი გადასახადის დებულების მე-13 მუხ. თანახმად—ა/კსფსრ სახალხო კომისართა საბჭო აღგენს:

1. ა/კსტსრ ტერიტორიაზე პირადი რეწაობის დასაბეგვრად დაწესებულ იქნეს სახელმწიფო სარეწავი გადასახადის შემდეგი მტკიცე განაკვეთები:

პირადი რეწაობის კატეგორია	გ ა ნ ა კ ვ ე თ ი მ ა ნ ე თ ო ბ ი თ				
	ა დ გ ი ლ ე ბ ი ს კ ლ ა ს ე ბ ი				
	1	2	3	4	5
I	18	15	12	9	6
II	48	40	32	24	16
III	72	60	48	36	24

დაწესებულ იქნეს პირადი რეწაობის სახელმწიფო სარეწავი გადასახადით დაბეგვრისათვის ა/კსტსრ სხვადასხვა ადგილების კლასებად დანაწილების შემდეგი განაწერი:

I-ლი კლასი

ქ. ტფილისი და ქ. ბაქო, თეთრი და შავი ქალაქებით, ბაილოვით, სამრეწველო რაიონებით და გარეთუბნებით.

მ ე -II კ ლ ა ს ი

ქ. ქ. ბათუმი, განჯა და ერივანი.

მ ე -III კ ლ ა ს ი

ქ. ქ. ქუთაისი, ლენინაკანი, ფოთი და სოხუმი.

მ ე -IV კ ლ ა ს ი

სხვა დანარჩენი ქალაქი ა/კსტსრ-ში.

მ ე -V კ ლ ა ს ი

ყველა სოფელი ა/კსტსრ-ში.

ა/კსტსრ სახალხო კომისართა

საბჭოს თავმჯდომარე შ. ელიავა.

ა/კსტსრ სახალხო კომისართა საბჭოს საქმეთა

მმართველის თან. დრ. აღმ. ა. ბომბინი.

1928 წ. სექტემბრის 3. ტფილისი-სასახლე.

გამოქვეყნებულია „ზარია ვოსტოკა“-ს 207 №-ში 1928 წ. სექტემბრის 7-ს.

დადგენილება № 63 ა/კსფსრ სახალხო კომისართა საგზოისი.

194. იმ საქონლის ნუსხის შესახებ, რომლის ვაჭრობაც აკრძალულია სახელმწიფო სარეწავი გადასახადის მტკიცე განაკვეთების მიხედვით..

გადასახად-დასადები პირადი რეწაობის განაწერის მე-5 შენიშვნის (სსრკ ცენ. აღმ. კ-ტისა და სახ. კ-თა საბჭოს მიერ 1928 წ. აგვისტოს 10-ს დამტკიცებული სახელმწიფო სარეწავი გადასახადის დებულების 1-ლი №-ის დანართი) თანახმად—ა/კსფსრ სახალხო კომისართა საბჭო ადგენს:

შესაძლებლად იქნეს ცნობილი პირადი რეწაობის სარეგისტრაციო მოწმობებით ყოველგვარი საქონლის ვაჭრობა, უკეთუ იგი სწარმოებს გადასახად-დასადები პირადი რეწაობის განაწერის მე-2, 7 და 15 პუნქტებით (სახელმწიფო სარეწავი გადასახადის დებულების 1-ლი №-ის დანართი) გათვალისწინებულ პირობებში, ქვემოთ დასახელებული საქონლის გამოკლებით:

1. ძვირფასი ქვები, ოქროს და პლატინის ნაკეთობა.
2. ვერცხლისა და ბრინჯაოს ნაკეთობა (წვრილ-წვრილი იაფფასიანი და ადგილობრივი შინამრეწველობის წარმოების ნაკეთობის გამოკლებით).
3. საანტიკვარო ნივთები.
4. ოპტიური, ფოტოგრაფიული, ქირურგიული, ფიზიკური და სხვ. ხელსაწყო, საკერავი და საქსოვი მანქანები.
5. შაგრენი, შვერო, ძაღლის ტყავის სამოგვე, სანდალოზიანი და დატვიფრული ტყავი, მათი ნაკეთობა, სასარაჯო ნაკეთობა, ტყავის ჩექმები და ბაშმაკები, ნახმარი და საგლეხო ფეხსაცმლის (ჩუსტების) გარდა.
6. საკოსმეტიკო და საპარფიუმერო საგნები.
7. ბეწვეული და მისი ნაკეთობა, იხვისა და გედის ყუითუკი.
8. შხა-ტანისამოსი და საცვალი, ნახმარის გარდა.
9. ყოველგვარი მატერია და ქსოვილი, მათი ნაკეთობა, ნახმარი საგნებისა და შინანაქსოვი მატერიების გარდა.
10. გასტრონომიული და კოლონიალური საქონლის სპეციალური ვაჭრობა (სხვათა შორის.—ჩაი და ყავა).
11. მაგარი სასმელები,

ა/კსფსრ სახალხო კომისართა საბჭოს თავმჯდომარე შ. ელიავა.

ა/კსფსრ სახალხო კომისართა საბჭოს საქმეთა მმართველის თან. დრ. აღმ. ა. ბომბინი.

1928 წ. სექტემბრის 3. ტფილისი—სასახლე.

გაოქვეყნებულია „ზარია ვოსტოკა“-ს 208 №-ში 1928 წ. სექტემბრის 8-ს.

დადგენილება № 65 ა/კსფსრ სახალხო კომისართა საბჭოსი.

195. ა/კსფსრ სახალხო კომისართა საბჭოსთან არსებული მომმზადებული კომისიის დებულების დამტკიცების შესახებ.

ა/კსფსრ სახალხო კომისართა საბჭო ადგენს:
დამტკიცებულ და სამოქმედოდ შემოღებულ იქნეს შემდეგი დებულება:

დ ე ბ უ ლ ე ბ ა

ა/კსფსრ სახალხო კომისართა საბჭოსთან არსებული მომმზადებული კომისიის შესახებ.

1. მომმზადებული კომისია, მუდმივი კომისიის უფლებებით, არსებობს ა/კსფსრ სახალხო კომისართა საბჭოსთან.

2. მომმზადებული კომისიის მიზანს შეადგენს იმ საკითხების წინასწარი შემუშავება და განხილვა, რაც უნდა გადასწყვიტონ ამიერკავკასიის ცენტრალურმა აღმასრულებელმა კომიტეტმა და ა/კსფსრ სახალხო კომისართა საბჭომ (ერთად), ა/კსფსრ სახალხო კომისართა საბჭომ და უმაღლესმა ეკონომიურმა საბჭომ, და აგრეთვე იმ საკითხებისა, რაც ა/კსფსრ მთავრობას აზრის გამოსათქმელად სსრკ მთავრობის ორგანოებისაგან გადაეცემა.

შენიშვნა. უკეთუ ა/კსფსრ სახელმწიფო საგეგმო კომისიის მიერ შემუშავებული საკითხი არ საჭიროებს საკანონმდებლო წესით ჩამოყალიბებას, იგი მომმზადებულ კომისიას გადაეცემა განსახილველად ა/კსფსრ სახალხო კომისართა საბჭოს და უმაღლესი ეკონომიური საბჭოს თავმჯდომარის განსაკუთრებული განკარგულებით თვითეულ ცალკე შემთხვევაში.

3. მომმზადებული კომისია შესდგება თავმჯდომარისა, მისი მოადგილისა და შვიდი წევრისაგან, რომელთაც პერსონალურად დანიშნავს ა/კსფსრ სახალხო კომისართა საბჭო, და ა/კსფსრ სახალხო კომისართა საბჭოს და უმაღლესი ეკონომიური საბჭოს საქმეთა მმართველისაგან.

4. მომმზადებული კომისიის სხდომა კანონიერად ჩაითვლება, უკეთუ მას დაესწრო კომისიის წევრთა საერთო რიცხვის ნახევარი მაინც, მათ შორის თავმჯდომარე ან მისი მოადგილე.

5. მომმზადებულ კომისიაში საქმის მოსმენისათვის მიწვეულ უნდა იქნეს დაინტერესებული უწყებისაგან მომხსენებელი. თვითეულ მომხსენებელს უნდა ჰქონდეს მანდატი, უწყების მეთაურის ან მისი მოადგილის თუ კოლეგიის ერთ-ერთი წევრის მიერ ხელმოწერილი უწყების მეთაურის უფლებამოსილებით.

უკეთუ აღნიშნული მომხსენებელი არ გამოცხადდა, საქმე შეიძლება მოსმენილ იქნეს მის დაუსწრებლადაც.

6. ყველა საკითხს მომზადებელი კომისია გადასწყვეტს ხმის მარტივი უმეტესობით.

7. უკეთუ ა/კსფსრ სახალხო კომისართა საბჭოს და უმაღლესი ეკონომიური საბჭოს წევრი, ა/კსფსრ სახელმწიფო საგემო კომისიის თავმჯდომარე, ა/კსფსრ სახელმწიფო პოლიტიკური სამმართველოს თავმჯდომარე, ამიერკავკასიის პროფესიონალურ კავშირთა საბჭოს თავმჯდომარე, მომზადებელი კოაპერატივების ამიერკავკასიის კავშირის თავმჯდომარე და მომზადებელი კომისიის წევრი თანახმა არ არის მომზადებელი კომისიის მიერ მიღებული დადგენილებისა, მას შეუძლიან თივისი აზრი წერილობით წარადგინოს სამი დღის ვადაზე ოქმის ან ოქმის ამონაწერის მიღების დღიდან.

8. სამი დღის ვადის გასვლისას—მომზადებელი კომისიის დადგენილება წარედგინება (ცალკე აზრითურთ, უკეთუ იგი შეტანილ იქნა მე-7 მუხ. წესისამებრ) ა/კსფსრ სახალხო კომისართა საბჭოს და უმაღლესი ეკონომიური საბჭოს თავმჯდომარეს გადასაწყვეტად და, მის მიერ ხელმოწერის შემდეგ, იგი მიიღებს ა/კსფსრ სახალხო კომისართა საბჭოს ან უმაღლესი ეკონომიური საბჭოს—კუთვნილებისამებრ—დადგენილების ძალას.

უკეთუ ა/კსფსრ სახალხო კომისართა საბჭოს და უმაღლესი ეკონომიური საბჭოს თავმჯდომარე, ცალკე აზრში აღნიშნული მოტივების ან სხვა რამ მოტივების გამო, არა სცნობს შესაძლებლად მომზადებელი კომისიის დადგენილების დამტკიცებას, იგი ან გადასცემს საკითხს კომისიას ხელახალი განხილვისათვის და მისცენს სათანადო დირექტივებს, ან გადაიტანს საკითხს განსახილველად ა/კსფსრ სახალხო კომისართა საბჭოში თუ უმაღლეს ეკონომიურ საბჭოში, კუთვნილებისამებრ.

შენიშვნა. ა/კსფსრ სახალხო კომისართა საბჭოს თავმჯდომარეს შეუძლიან მომზადებელი კომისიის დადგენილებების განხილვა და დამტკიცება მიანდოს ა/კსფსრ სახალხო კომისართა საბჭოს თავმჯდომარის ერთერთ მოადგილეს.

9. მომზადებელი კომისიის მიერ მიღებული დადგენილება განკარგულებითი ხასიათისა ისეთი საკითხის გამო, რაც გათვალისწინებულია ა/კსფსრ სახალხო კომისართა საბჭოს და უმაღლესი ეკონომიური საბჭოს მიერ დამტკიცებული განსაკუთრებული წესებით, ძალაში შედის დაუყოვნებლივ, კომისიის თავმჯდომარის ხელმოწერისათანავე.

10. თავისი მიზნის განსახორციელებლად მომზადებელ კომისიას უფლება აქვს დააკისროს უწყებას და ცალკე დაწესებულებას, მათ ხელმძღვანელთა პასუხისმგებლობით, მის განსახილველად გადაცემული საკითხის დამატებით დამუშავება, საჭირო მასალებისა და ცნობების მომზადება და წარდგენა.

კომისიას აგრეთვე უფლება აქვს მოაწყოს ცალკე საკითხებისათვის დროებითი კომისიები უწყებათა წარმომადგენლების მონაწილეობით.

11. მომზადებელი კომისიის მუშაობასთან დაკავშირებულ, განკარგულებითი ხასიათის ღონისძიებას მიიღებს ამ კომისიის თავმჯდომარე, რომლის განკარგულებაც სავალდებულოა როგორც წევრებისათვის, ისე ა/კსფსრ ყველა დაწესებულებისათვის.

12. მომზადებული კომისიის განსახილველად წარდგენილი საქმეების წინასწარი დამუშავებისა და მოსასმენად მომზადებისათვის, სხდომების ოქმის წარმოებისათვის კომისია გამოიყენებს ა/კსფსრ სახალხო კომისართა საბჭოს და უმაღლესი ეკონომიური საბჭოს საქმეთა მმართველობის აპარატს.

ა/კსფსრ სახალხო კომისართა საბჭოს თავმჯდომარე შ. ელიავა.

ა/კსფსრ სახალხო კომისართა საბჭოს საქმეთა მმართველის თან. დრ. აღმ. ა. ზომბინი.

1928 წლის აგვისტოს 23. ტფილისი—სასახლე.

გამოქვეყნებულია „ზარია ვოსტოკა“-ს 211 №-ში 1928 წ. სექტემბრის 12-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

196. სსრკ-ისა და ა/კსფსრ-ის მთავრობის მიერ 1928 წ. საშემოდგომო თესვის კამპანიასთან დაკავშირებულ ღონისძიებათა თაობაზე გამოცემულ დადგენილებების განხორციელებისათვის მეთვალყურეობისა და კონტროლის გაწევის შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. ა/კსფსრ-ის ფარგლებში საშემოდგომო თესვის კამპანიის წარმატებით განხორციელების უზრუნველსაყოფად დანიშნულ იქნეს ა/კსფსრ სახალხო კომისართა საბჭოს რწმუნებული საშემოდგომო თესვის კამპანიის ჩასატარებლად.

2. საშემოდგომო თესვის კამპანიის ჩატარებისათვის დანიშნულ რწმუნებულს დაეკისროს საერთო მეთვალყურეობისა და კონტროლის გაწევა სსრკ-ისა და ა/კსფსრ-ის მთავრობის მიერ 1928 წ. საშემოდგომო თესვის კამპანიასთან დაკავშირებულ ღონისძიებათა შესახებ გამოცემულ დადგენილებების განხორციელებისათვის.

3. მე-2 მუხლში აღნიშნული მიზნის განსახორციელებლად საშემოდგომო თესვის კამპანიის ჩატარებისათვის დანიშნულ რწმუნებულს მიეცეს უფლება:

ა) მოსთხოვს ხოლმე ა/კსფსრ ორგანოებსა და აგრეთვე რესპუბლიკანურ და ადგილობრივ ორგანოებსა და ორგანიზაციებს ცნობების წარდგენა მიღებულ ღონისძიებათა და საშემოდგომო თესვის კამპანიისა მსვლელობის შესახებ;

ბ) წინადადება მისცეს ხოლმე დაწესებულებათ, საწარმოთ და ორგანიზაციათ სასწრაფო წესით თავიდან აიცილონ საშემოდგომო თესვის კამპანიის ჩა-

ტარებისათვის მიღებულ ღონისძიებათა სფეროში შენიშნული ნაკლებობა, და მოითხოვოს იმ პირთა სისხლის სამართლისა და დისციპლინარული წესით პასუხისმგებლობაში მიცემა, ვისი მიზეზითაც ეს ნაკლებობა მოხდა;

გ) ისეთ შემთხვევაში, რომლის გადადგმაც შეუძლებელია, გადასწყვიტოს ხოლმე ა/კფსრ სახალხო კომისართა საბჭოს სახელით საშემოდგომო თესვის კამპანიის ჩატარებასთან დაკავშირებული საკითხები და ეს შემდგომ მოახსენოს ა/კფსრ სახალხო კომისართა საბჭოს;

დ) მოაწყოს ხოლმე საშემოდგომო კამპანიის ჩატარებისათვის მიღებულ ღონისძიებათა გამოკვლევა, რისთვისაც იგი გამოიყენებს საქართველოს, სომხეთისა და აზერბაიჯანის სსრ-ბის მიწათმოქმედების სახალხო კომისარიატებისა, ა/კფსრ მუშათა და გლეხთა ინსპექციის სახალხო კომისარიატისა, ა/კფსრ ვაჭრობის სახალხო კომისარიატისა და ა/კფსრ სახალხო კომისართა საბჭოს და უმაღლესი ეკონომიური საბჭოს აპარატებს.

4. ა/კფსრ-ის ფარგლებში საშემოდგომო თესვის კამპანიის ჩატარებისათვის ა/კფსრ სახალხო კომისართა საბჭოს რწმუნებულად დანიშნულ იქნეს ა/კფსრ მუშათა და გლეხთა ინსპექციის სახალხო კომისარი ამხ. ა. ნაზარეთიანი, ხოლო მის მოადგილედ — ა/კ. ცენ. აღმ. კ-ტის მდივანი ამხ. ი. თალიევი.

ამიერკავასიის ცენტრალური აღმასრულებელი

კომიტეტის თავმჯდომარე **ს. აღამალი-ოღლი.**

ა/კფსრ სახალხო კომისართა საბჭოს თავმჯდომარე **შ. ელიავა.**

ამიერკავასიის ცენტრალური აღმასრულებელი

კომიტეტის მდივანი **ა. შავერდოვი.**

1928 წ. სექტემბრის 12. ტფილისი — სასახლე.

გამოქვეყნებულია „ზარია ვოსტოკა“-ს 212 №-ში 1928 წ. სექტემბრის 13-ს.

დადგენილება ამიერკავასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოსი.

197. ა/კფსრ უმაღლეს ეკონომიურ საბჭოსთან არსებული ამიერკავასიის უმაღლესი საარბიტრაჟო კომისიის დებულების მე-4 მუხ. დამატების შესახებ.

ამიერკავასიის ცენტრალური აღმასრულებელი კომიტეტი და ა/კფსრ სახალხო კომისართა საბჭო ადგენენ:

ა/კფსრ უმაღლეს ეკონომიურ საბჭოსთან არსებული ამიერკავასიის უმაღლესი საარბიტრაჟო კომისიის 1928 წ. იანვრის 30 ს თარიღის დებულების (ა/კფსრ კან. კრ. 1928 წ. მე-2 №-რი, მუხ. 24) მე-4 მუხლს დაემატოს პუნქტი „ვ“ შემდეგი შინაარსისა:

„პუნ. „ვ“. უკეთუ ერთი ან ორივე მოდავე მხარე — სსრკ-ის დაწესებულების ცენტრალური ორგანო ან საერთო-საკავშირო მნიშვნელობის საწარმო და თა-

ნაც, უკეთუ, მხარეთა შეთანხმებით, დავა განსახილველად ა/კსტსრ უმაღლეს ეკონომიურ საბჭოსთან არსებულ ამიერკავკასიის უმაღლეს საარბიტრაჟო კომისიას გადაეცა“.

ამიერკავკასიის ცენტრალური აღმასრულებელი
კომიტეტის თავმჯდომარე ს. აღამალი-ოღლი.

ა/კსტსრ სახალხო კომისართა საბჭოს თავმჯდომარე შ. ელიავა.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1928 წ. სექტემბრის 3. ტფილისი—სასახლე.

გამოქვეყნებულია „ზარია ვოსტოკა“-ს 213 №-ში 1928 წ. სექტემბრის 14-ს.

დადგენილება ამიერკავკასიის ცენტრალური აღმასრულებელი კომიტეტისა.

198. კავკასიის წითელდროშიანი არმიის მანევრებში მონაწილე, „რადიოს მეგობართა“ საზოგადოების წევრ-მუშათა და მოსამსახურეთა კომპენსაციის შესახებ.

ამიერკავკასიის ცენტრალური აღმასრულებელი კომიტეტი ადგენს: კავკასიის წითელდროშიანი არმიის მიერ ა/კსტსრ შედგენილობაში შემავალ რესპუბლიკებში მიაწყობილ მანევრებში მონაწილე, „რადიოს მეგობართა“ საზოგადოების წევრებს მუშათ და მოსამსახურეთ შეენარჩუნოს სამსახურის ადგილი და საშუალო სამუშაო საშოვარი მიმდინარე წლის სექტემბრის 28-დან დაწყებული ხნის განმავლობაში, ვიდრე ოქტომბრის 6-დე—ამრიცხვითურთ.

ამიერკავკასიის ცენტრალური აღმასრულებელი
კომიტეტის თავმჯდომარე ს. აღამალი-ოღლი.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1928 წ. სექტემბრის 21. ტფილისი—სასახლე.

გამოქვეყნებულია „ზარია ვოსტოკა“-ს 219 №-ში 1928 წლის სექტემბრის 22-ს.

დადგენილება № 66 ა/კფსრ სახალხო კომისართა საბჭოსი.

199. სადმინისტრაციო-სამეურნეო ხარჯების შემცირების უზრუნველსაყოფად სახელმწიფო და ადგილობრივი ბიუჯეტებით კრედიტების დახურვის შესახებ.

ა/კფსრ სახალხო კომისართა საბჭო ადგენს:

1. წინადადება მიეცეს ა/კფსრ ფინანსთა სახალხო კომისარიატსა და ა/კფსრ შედგენილობაში შემავალი რესპუბლიკების ფინანსთა სახალხო კომისარიატებს—ყველა იმ შემთხვევაში, როდესაც მათ მიერ ან ა/კფსრ-ისა და მის შედგენილობაში შემავალი რესპუბლიკების მუშათა და გლეხთა ინსპექციის სახალხო კომისარიატების მიერ გამორკვეული იქნება, რომ საერთო-ფედერატიულ და რესპუბლიკანურ ბიუჯეტზე მყოფ ამა თუ იმ დაწესებულებას 1927/28 წელში ოპერატიული საბიუჯეტო კრედიტებიდან, სპეციალური სახსარიდან და სხვა წყაროდან მოუხმარებია სახსარი სადმინისტრაციო-საგამგებლო საქიროებათათვის,—დახურონ ამ დაწესებულების კრედიტები 1927/28 წ. ბიუჯეტში იმ თანხების რაოდენობით, რაც ზემოაღნიშნული საქიროებისათვის მოხმარებულ თანხებს უდრის.

ამასთანავე, უზრუნველყოფილ უნდა იქნეს, წლიური დანიშნულების მიხედვით, უწყებათა ოპერატიული (განსაკუთრებით სამშენებლო) ხარჯები ფაქტიური საქიროების ფარგლებში 1928 წლის ოქტომბრის 1-დღე, აგრეთვე სადმინისტრაციო-საგამგებლო ხარჯების წლიური დანიშნულების სექტემბრის ნაწილი და თანაც ანგარიშში მიღებულ უნდა იქნეს ყოველი უწყების თავისებურება ხარჯთაღრიცხვის აღსრულების სფეროში, კერძოდ, წინა თვეების გაუსტუმრებელი ხარჯი.

2. ის დავა, რაც შეიძლება აღიძრას ამა დადგენილების 1-ლი მუხლის შესრულების დროს, საბოლოოდ გადაწყვეტილ უნდა იქნეს ა/კფსრ-ისა და მის შედგენილობაში შემავალი რესპუბლიკების ფინანსთა სახალხო კომისარებისა, მუშათა და გლეხთა ინსპექციის სახალხო კომისარებისა—კუთვნილებისამებრ—და დაინტერესებულ უწყებათა ხელმძღვანელებისაგან შემდგარი კომისიის მიერ.

3. დაევალოს ა/კფსრ ფინანსთა სახალხო კომისარიატსა და ა/კფსრ შედგენილობაში შემავალი რესპუბლიკების ფინანსთა სახალხო კომისარიატებს—სახელმწიფო საფინანსო კონტროლის სამმართველოების ხაზით:

ა) დაწერილებით შეამოწმონ 1927/28 საბიუჯეტო წლის დამთავრების შემდეგ, რამდენად შეუსრულებიათ საერთო-ფედერატიულ და რესპუბლიკანურ ბიუჯეტზე მყოფ დაწესებულებათ ა/კფსრ მთავრობის ღირექტივები 1927/28 წელს სადმინისტრაციო-საგამგებლო ხარჯების შემცირების შესახებ და ზედმიწევნით გამოარკვიონ ყოველი შემთხვევა, როდესაც 1927/28 წელში სადმინისტრაციო-საგამგებლო საქიროებათათვის მოხმარებული ყოფილა ოპერატიული საბიუჯეტო კრედიტები, სპეციალური სახსარი და სხვა წყაროები;

ბ) პასუხისმგებლობაში მისცენ ყველა ის პირი, რომელსაც არ შეუსრულებია ა/კსტს მთავრობის ზემოაღნიშნული დირექტივები.

4. დაეკისროს საერთო-ფედერატიულ და რესპუბლიკანურ ბიუჯეტზე მყოფი ყველა დაწესებულების ხელმძღვანელს პერსონალური პასუხისმგებლობა საადმინისტრაციო-საგამგებლო ხარჯების თაობაზე ა/კსტს მთავრობის მიერ გაცემული დირექტივების ზედმიწევნით და სავსებით შესრულებისათვის.

5. წინადადება მიეცეს ა/კსტს შედგენილობაში შემავალი რესპუბლიკების სახალხო კომისართა საბჭოებს გამოსცენ სათანადო დადგენილებანი ადგილობრივ ბიუჯეტზე მყოფ დაწესებულებათათვის.

6. დადგენილება ესე სამოქმედოდ შემოღებულ იქნეს ტელეგრაფით.

ა/კსტს სახალხო კომ. საბჭოს თავმჯდომარის მოადგილე ჭუსეინოვი.

ა/კსტს სახალხო კომ. საბჭოს საქმეთა მმართველის მოადგ. სოკოლსკი.

1928 წ. სექტემბრის 21. ტფილისი—სასახლე.

გამოქვეყნებულია „ზარია ვოსტ.“-ს 220 №-ში 1928 წ. სექტემბრის 23-ს.

განმარტება № 6 ა/კსტს ურომის სახალხო კომისარიატისა.

1928 წ. აგვისტოს 7.

200. სრულიად საკავშირო კომუნისტური პარტიისა (ბ) და სრულიად საკავშირო ახალგაზრდა ლენინელთა კომუნისტური კავშირის ყრილობებსა, კონფერენციებსა და პლენუმებში მონაწილეობის მისაღებად არჩეული მუშებისა და მოსამსახურეებისათვის სამუშაო საშოვარის შენარჩუნების შესახებ.

ა/კსტს ურომის სახალხო კომისარი ადგენს:

1. იმ მუშასა და მოსამსახურეს, რომელიც არჩეული იქნება დელეგატად სრულიად საკავშირო კომუნისტური პარტიის (ბ) და სრულიად საკავშირო ახალგაზრდა ლენინელთა კომუნისტური კავშირის ორგანოების მიერ მოწვეულ კომიტეტებისა და საკონტროლო კომისიების ყრილობასა, კონფერენციასა და პლენუმზე, უკეთეს ეს ყრილობა, კონფერენცია და პლენუმი მოწვეულია არა ნაკლებ, ვიდრე სამაზრო მასშტაბით, შეენარჩუნება საშუალო სამუშაო საშოვარი მთელი იმ ხნის განმავლობაში, რაც იგი თავის მოვალეობას შეასრულებს, რამდენადაც ასეთი მოვალეობის ასრულება სამუშაო დროს მოხდება.

2. ამა განმარტების გამოცემისთანავე ძალადაკარგულად ითვლება ა/კსფსრ შრომის სახალხო კომისარიატის 1925 წლის იანვრის 26-ს თარიღისა და მე-3 №-ის დადგენილება შრომის კანონთა კოდექსის 79 მუხ. შეფარდების წესის შესახებ (შრომის მომქმედი კანონმდ. 1926 წ. გვ. 220).

ა/კსფსრ შრომის სახალხო კომისარი იაშვილი.

საერთო-საორგანიზაციო განყოფ. გამგე ათაბეგოვი.

გამოქვეყნებულია „ზარია ვოსტოკა“-ს 220 №-ში 1928 წ. სექტემბრის 23-ს.

დადგენილება ამიერკავკასიის ცენტრალური აღმასრულებელი კომიტეტისა.

201. ა/კსფსრ ტერიტორიაზე 1928/29 წელს საბჭოთა არჩევნების წარმოებისა და საბჭოთა ყრილობების მოწვევის შესახებ.

ამიერკავკასიის ცენტრალური აღმასრულებელი კომიტეტი ადგენს:

1. ა/კსფსრ კონსტიტუციის მე-9 მუხ. თანახმად ამიერკავკასიის საბჭოთა მორიგი მე-5 ყრილობა მოწვეულ იქნეს (1929 წლის აპრილის 1-ლს) ქ. ტფილისში.

2. ა/კსფსრ შედგენილობაში შემავალ რესპუბლიკებში საბჭოებისა და საბჭოთა ყრილობების არჩევნების მორიგი კამპანიის ჩასატარებლად წინადადება მიეცეს ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს:

ა) წინასწარი საარჩევნო-საანგარიშო კამპანია დაიწყონ 1928 წ. დეკემბრიდან;

ბ) საბჭოთა არჩევნები—1929 წლის თებერვლიდან;

გ) რესპუბლიკანური ყრილობები დაამთავრონ არა უგვიანეს მარტის 20-სა.

შენიშვნა. ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს უფლება აქვთ, ადგილობრივი პირობების მიხედვით, არჩევნები ცალკე რაიონებში დაიწყონ ზემოაღნიშნულ ვადაზე ადრეც.

3. საბჭოების არჩევნების ჩატარებისა და საბჭოთა ყრილობების მოწვევისათვის სახელმძღვანელოდ მიღებულ უნდა იქნეს ამიერკავკასიის ცენტრალური აღმასრულებელი კომიტეტის 1927 წლის დეკემბრის 5-ს თარიღის ინსტრუქცია „1928 წ. საბჭოების არჩევნების შესახებ“, ყველა იმ დამატებითა და ცვლილებით, რაც მიღებულ იქნა ამიერკავკასიის ცენტრალური აღმასრულებელი კომიტეტის პრეზიდიუმის მიერ.

აღნიშნული ინსტრუქციის შემდგომი ცვლილებანი, რაც გამოწვეული იქნება ადგილობრივი და ყოფა-ცხოვრებითი პირობების მიხედვით, შეტანილ უნდა იქნეს ინსტრუქციაში მხოლოდ ამიერკავკასიის ცენტრალური აღმასრულებელი კომიტეტის პრეზიდიუმის მიერ დამტკიცების შემდეგ.

4. წინადადება მიეცეს ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებს დაუყოვნებლივ შეუდგინენ ცენტრალური და ადგილობრივი საარჩევნო კომისიების მოწყობას და მიიღონ სათანადო ღონისძიებანი საბჭოების არჩევნებისა და საბჭოთა ყრილობების მოწვევის მორიგი საარჩევნო კამპანიის ნორმალურად ჩატარებისათვის.

ამიერკავკასიის ცენტრალური აღმასრულებელი
კომიტეტის თავმჯდომარე ს. აღამალი-ოღლი.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1928 წ. სექტემბრის 17. ტფილისი-სასახლე.

გამოქვეყნებულია „ზარია ვოსტ.“-ს 221 №-ში 1928 წ. სექტემბრის 25-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისარათა საბჭოსი.

202. ა/კსფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭოს დებულების ახალი რედაქციის შესახებ.

სსრკ შრომის სახალხო კომისარიატთან არსებული სოციალური დაზღვევის საკავშირო საბჭოს დებულების (კან. კრ. 1925 წ. მე-8 №-რი, მუხ. 74) 1-ლი მუხლის თანახმად—ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისარათა საბჭო აღდგენენ:

1. დამტკიცებულ და სანოქმედოდ შემოღებულ იქნეს შემდეგი დებულება ა/კსფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭოს შესახებ.

2. ამა დადგენილების გამოცემისთანავე ძალადაკარგულად ჩაითვალოს 1926 წ. იანვრის 18 თებერვლის დებულება ა/კსფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭოს შესახებ და ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისარათა საბჭოს 1927 წ. მაისის 23-ს თარიღის დადგენილება „ა/კსფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭოს დებულების მე-2 მუხლის ახალი რედაქციის შესახებ“.

დ ე ბ უ ლ ე ბ ა

ა/კსფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭოს შესახებ.

1. სოციალური დაზღვევის საქმის მოსაწესრიგებლად, სსრკ შრომის სახალხო კომისარიატთან არსებული სოციალური დაზღვევის საკავშირო საბჭოს დირექტივებისა და სსრკ სახალხო კომისარიატების საერთო დებულების (სსრკ ცენ. აღმ. კ-ტისა, სახ. კ-თა საბჭოს და შრ. და თავდაც. საბჭოს „ვესტნიკ“-ის 1923 წ. მე-10 №-რი, მუხ. 299) მე-15 მუხლის წესისამებრ—ა/კსფსრ შრომის სახალხო კომისარიატთან არსდება ამიერკავკასიის სოციალური დაზღვევის საბჭო.

2. ა/კსფსრ შრომის სახალხო კომისარიატთან არსებული ამიერკავკასიის სოციალური დაზღვევის საბჭო მოეწყობა შემდეგი შედგენილობით: თავმჯდომარე, რომელსაც დანიშნავს ა/კსფსრ სახალხო კომისარიატის საბჭო, და 12 წევრი: სამი—ამიერკავკასიის პროფესიონალურ კავშირთა საბჭოსაგან, თითო აზერბაიჯანისა, სომხეთისა და საქართველოს პროფესიონალურ კავშირთა საბჭოსაგან, თითო—აზერბაიჯანისა, სომხეთისა და საქართველოს სახალხო მეურნეობის უმაღლეს საბჭოსაგან, ერთი—ამიერკავკასიის ფინანსთა სახალხო კომისარიატისაგან, ერთი—სსრკ ვზათა სახალხო კომისარიატის რწმუნებულისაგან ა/კსფსრ-ში და ერთი—აზერბაიჯანისა, სომხეთისა და საქართველოს ჯანმრთელობის სახალხო კომისარიატების საერთო წარმომადგენელი. საბჭოს წევრებს დანიშნავენ სათანადო დაწესებულებათა ხელმძღვანელები, უკეთუ ა/კსფსრ შრომის სახალხო კომისარიატს საწინააღმდეგო არა ექნება—რა დასახელებული კანდიდატების მიმართ.

შენიშვნა 1. წესი და რიგი თვითეული რესპუბლიკანური ჯანმრთელობის სახალხო კომისარიატის წარმომადგენლის მონაწილეობისა საბჭოში ყველა მათი საერთო წარმომადგენლის სახით დამყარდება თვით რესპუბლიკანურ ჯანმრთელობის სახალხო კომისარიატთა შეთანხმებით.

შენიშვნა 2. იმ ხნის განმავლობაში; ვიდრე რესპუბლიკანური ჯანმრთელობის სახალხო კომისარიატების სამ წარმომადგენელთა შორის ერთ-ერთი მორიგე წევრად ითვლება საბჭოში, ორი დანარჩენი წარმომადგენელი მონაწილეობას იღებს საბჭოში სათათბირო ხმის უფლებით.

3. თავმჯდომარისა და წევრების სამენაცვლოდ, მათი სხვაგან სადმე წასვლისა ან ავადმყოფობის გამო, დაინიშნებიან, მე-2 მუხ. აღნიშნული წესისამებრ, საბჭოს თავმჯდომარის მოადგილე და საბჭოს წევრთა მოადგილენი.

საბჭოს თავმჯდომარისა და წევრთა მოადგილეებს, როდესაც მათ, ანა მუხლის თანახმად, არა აქვთ ვადამწყვეტი ხმის უფლება, შეუძლიანთ დაეწონენ საბჭოს სხდომებს სათათბირო ხმით.

4. ამიერკავკასიის სოციალური დაზღვევის საბჭოს გამგებლობის საგანს შეადგენს:

ა) საერთო მიმართულება მისცეს სოციალური დაზღვევის მთავარ სამმართველოს მოქმედებას, ისე-კი, რომ არ ჩაერიოს მის ოპერატიულ საქმიანობაში;

ბ) განიხილოს და დაამტკიცოს სოციალური დაზღვევის მთავარი სამმართველოს მუშაობის საერთო გეგმა.

გ) თვალყური ადევნოს, რათა შეფარდებულ იქნეს საერთო საფუძვლები სამკურნალო დახმარებისა დაზღვეულთა და მათ ოჯახთათვის და გამოიყენოს სამკურნალო დახმარების ფონდი და აგრეთვე ექსპერტიზისა და კონტროლის ორგანოების მოქმედება;

დ) განიხილოს და დაამტკიცოს სოციალური დაზღვევის მთავარი სამმართველოს ხარჯთაღრიცხვა;

ე) საერთო მეთვალყურეობა გაუწიოს დამტკიცებული გეგმების შესრულებას სოციალური დაზღვევის მთავარი სამმართველოს მიერ და აგრეთვე განიხილოს მისი პერიოდული მოხსენებები და წლიური ანგარიშები;

ვ) განიხილოს ა/კსფსრ შრომის სახალხო კომისარიატისა და სხვა უწყებათა მიერ შემუშავებული ყველა კანონდებულების პროექტი სოციალური დაზღვევის სფეროში, რაც შეტანილ უნდა იქნეს ა/კსფსრ საკანონმდებლო ორგანოებში და სსრკ შრომის სახალხო კომისარიატთან არსებულ სოციალური დაზღვევის საკავშირო საბჭოში, და მისცეს დასკვნა აღნიშნული პროექტების შესახებ;

ზ) განიხილოს და დაამტკიცოს სოციალური დაზღვევის მთავარი სამმართველოს მიერ, მომქმედ კანონდებულებათა განსავითარებლად, შემუშავებული საერთო წესები და ინსტრუქციები, რომლებიც შეეხება დაქირავებით მომომუშავეთა ცალკე კატეგორიების ჩაბმას დაზღვევის საქმეში, სადასაზღვეო გადასახადების შეტანის წესს, მომქმედი ტარიფების შედარებას დამაზღვეველთა ცალკე ჯგუფებისათვის და სადასაზღვეო უზრუნველყოფის რაოდენობას;

თ) განიხილოს სსრკ შრომის სახალხო კომისარიატთან არსებული სოციალური დაზღვევის საკავშირო საბჭოს დადგენილებათა პროექტები და მისცეს დასკვნა მათ შესახებ;

ი) განმარტოს ა/კსფსრ მომქმედი კანონდებულებანი სოციალური დაზღვევის შესახებ და გამოსცეს მათ განსავითარებლად განკარგულებანი და ინსტრუქციები;

კ) განიხილოს ა/კსფსრ უწყებათა მიერ შეტანილი საჩივრები ა/კსფსრ შედგენილობაში შემავალი რესპუბლიკების შრომის სახალხო კომისარიატების გადაწყვეტილებებზე სოციალური დაზღვევის საკითხების გამო.

5. ამიერკავკასიის სოციალური დაზღვევის საბჭოს სხდომებს დანიშნავს მისი თავმჯდომარე სამ თვეში ერთხელ მაინც. იმ საქმეებს, რაც შეადგენს საბჭოს გამგებლობის საგანს, უწყებანი და საბჭოს წევრები შეიტანენ თავმჯდომარის მეშვეობით.

6. ამიერკავკასიის სოციალური დაზღვევის საბჭოს სხდომასა და სხდომას შუა პერიოდში, სსრკ შრომის სახალხო კომისარიატთან არსებული სოციალური დაზღვევის საკავშირო საბჭოს დადგენილებათა პროექტების განხილვისა და მათ შესახებ დასკვნის მიცემისათვის, მოეწყობა საბჭოს მულტივი პრეზიდენტი, რომელშიაც შეეყვანოს თავმჯდომარე და ოთხი წევრი: ორი — ამიერკავკასიის პროფესიონალურ კავშირთა საბჭოსაგან, ერთი — ა/კსფსრ ფინანსთა სახალხო კო-

მისარიატისაგან და ერთი—აზერბაიჯანისა, სომხეთისა და საქართველოს სახალხო მეურნეობის საბჭოების საერთო წარმომადგენელი მორიგეობის წესით.

საბჭოს პრეზიდიუმის სხდომები მოიწვევა საკიროებისა და მიხედვით, ხოლო თვეში ერთხელ მაინც.

7. ამიერკავკასიის სოციალური დაზღვევის საბჭოს სხდომაზე შეიძლება მიწვეულ იქნეს სათათბირო ხმის უფლებით მკოდნე პირი და დაინტერესებული უწყების წარმომადგენელი.

8. ამიერკავკასიის სოციალური დაზღვევის საბჭოს სხდომა კანონიერად ჩაითვლება, უკეთუ მას დაესწრო საბჭოს წევრთა ნახევარი მაინც, თამჯდომარისა ან მისი მოადგილის ჩათვლით.

9. ამიერკავკასიის სოციალური დაზღვევის საბჭოში საქმე გადასწყდება ხმის მარტივი უმეტესობით. საბჭოს ის დადგენილება, რომლის წინააღმდეგაც იმავე სხდომაზე რომელიმე წევრის მიერ განცხადებულია პროტესტი, საბოლოო გადაწყვეტისათვის გადაიტანება ა/კსფსრ შრომის სახალხო კომისარიატის კოლეგიაში. უკეთუ 7 დღის განმავლობაში ა/კსფსრ შრომის სახალხო კომისარიატის კოლეგია არ გააუქმებს საბჭოს დადგენილებას, იგი ძალაში შედის. საბჭოს ის დადგენილება, რომლის გამოც აღნიშნული წესისამებრ პროტესტი განცხადებული არ არის, დაუყოვნებლივ ძალაში შედის, ა/კსფსრ სახალხო კომისარიატის მიერ დაუმტკიცებლად.

10. ამიერკავკასიის სოციალური დაზღვევის საბჭოს დადგენილება და ა/კსფსრ შრომის სახალხო კომისარიატის კოლეგიის დადგენილება აღნიშნული დადგენილების გაუქმების შესახებ დაინტერესებულ უწყებას შეუძლიან განაპროტესტოს ა/კსფსრ სახალხო კომისართა საბჭოში; ამასთანავე, გაპროტესტება ვერ შეაჩერებს მიღებული დადგენილების განხორციელებას.

11. საბჭოს საერთო წესები და ინსტრუქციები გამოქვეყნებულ უნდა იქნეს ა/კსფსრ შრომის სახალხო კომისარიატის ოფიციალურ ორგანოში და სოციალური დაზღვევის ყველა ორგანო მიიღებს მათ სახელმძღვანელოდ.

12. ამიერკავკასიის სოციალური დაზღვევის საბჭოს თავისი ტენიკური აპარატი არა ჰყავს და მას მომსახურებას უწევს ამიერკავკასიის შრომის სახალხო კომისარიატის სოციალური დაზღვევის მთავარი სამმართველოს აპარატი.

ამიერკავკასიის ცენტრალური აღმასრულებელი
 კომიტეტის თავმჯდომარე **ხ. აღამალი-ოღლი.**

ა/კსფსრ სახალხო კომისართა საბჭოს თავმჯდომარე **შ. ელიავა.**

ამიერკავკასიის ცენტრალური აღმასრულ.
 კომიტეტის მდივანი **ა. შავერდოვი.**

1928 წ. სექტემბრის 3. ტფილისი—სასახლე.

გამქვეყნებულია „ზარია ვოსტოკა“-ს. 221 №-ში 1928 წ. სექტემბრის 25-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭო ადგენენ:

203. პერსონალური პენსიის შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. პერსონალური პენსია დაენიშნება ისეთ პირს, რომელსაც განსაკუთრებული დამსახურება მიუძღვის რევოლუციონერ, სახელმწიფოებრივ, სამეურნეო ან კულტურულ მოღვაწეობაში, ან სსრკ დაცვის საქმეში, ხოლო ასეთი პირის სიკვდილის შემდეგ—პენსია დაენიშნება მისი ოჯახის წევრებს.

2. პერსონალურ პენსიას, საერთო წესისამებრ, დანიშნავს ა/კსფსრ შედგენილობაში შემავალი რესპუბლიკის ორგანო იმ პირის საცხოვრებელი ადგილის მიხედვით, რომელიც უზრუნველყოფილ უნდა იქნეს ამ პენსიით, იმ საფუძველზე და იმ წესით, რაც განსაზღვრულია სათანადო რესპუბლიკის კანონმდებლობით. პერსონალური პენსია იმ პირს, რომელზედაც ვრცელდება 1926 წ. მარტის 19-ს თარიღის დებულება—მუშათა და გლეხთა წითელი არმიის კადრის მეუფროსეთა შედგენილობის სახელმწიფოებრივად უზრუნველყოფის შესახებ, —დაენიშნება აღნიშნული დებულების (სსრკ კან. კრ. 1928 წ. მე-15 №-რი, მუხ. 124) მე-8 მუხლით გათვალისწინებული წესისამებრ.

3. ა/კსფსრ სახალხო კომისართა საბჭოს შეხედულებისამებრ, როგორც გამონაკლისი, პერსონალური პენსია შეიძლება დაინიშნოს მისი დადგენილებით ამა დადგენილების 4-10 მუხ. თანახმად.

4. იმ პენსიის რაოდენობა, რასაც ა/კსფსრ სახალხო კომისართა საბჭო დაუნიშნავს განსაკუთრებული დამსახურების მქონე პირს, განისაზღვრება თვითვეულ ცალკე შემთხვევაში იმის მიხედვით, თუ რამდენად დაუკარგავს ამ პირს შრომის უნარი, რამდენი პირი იმყოფება მის რჩენაზე და აგრეთვე რა ჩვეულებრივი შრომის საშოვარი ჰქონდა მას შრომის უნარის დაკარგვამდე. ამასთანავე, საერთო წესისამებრ, პერსონალური პენსია არ უნდა აღემატებოდეს იმ ადგილის პასუხისმგებელ პოლიტიკურ მომუშავეთა ტარიფის თვენახევრის ძირითად უმაღლეს განაკვეთს, სადაც აღნიშნული პირი სცხოვრობს პენსიის დანიშვნის მომენტში.

5. იმ პენსიის რაოდენობა, რასაც ა/კსფსრ სახალხო კომისართა საბჭო დაუნიშნავს განსაკუთრებული დამსახურების მქონე პირის სიკვდილის გამო მისი ოჯახის წევრებს, განისაზღვრება თვითვეულ ცალკე შემთხვევაში იმის მიხედვით, თუ რამდენი პირი უნდა იქნეს უზრუნველყოფილი და რაში გამოიხატება ოჯახის ჩვეულებრივი ბიუჯეტი მისი მრჩენელის სიკვდილის მომენტში. ამასთანავე პერსონალური პენსია ოჯახის ყველა უზრუნველსაყოფი წევრისათვის ერთად, საერთო წესისამებრ, არ უნდა აღემატებოდეს მე-4 მუხ. აღნიშნულ რაოდენობას.

6. პენსია ა/კფსრ სახალხო კომისართა საბჭოს მიერ პენსიის დანიშნვის შესახებ მიღებულ დადგენილებაში დასახელებულ პირთ პერსონალური პენსია მიეცემა შემდეგ საფუძველზე:

ა) შრომის უნარმოკლებულ პირს—სიკვდილამდე;

ბ) არასრულწლოვანს—18 წლის ასაკის მიღწევამდე, ხოლო სასწავლებელში მოსწავლეს—ტექნიკუმისა თუ უმაღლესი სასწავლებლის გათავებამდე, მაგრამ არა უხანგრძლივეს, ვიდრე 25 წლის ასაკის მიღწევამდე;

გ) დანარჩენ პირთ—თანხმად ა/კფსრ სახალხო კომისართა საბჭოს განსაკუთრებული დადგენილებისა თვითეულ ცალკე შემთხვევაში.

7. უკეთუ პენსიონერის შრომის საშოგარი, მისთვის დანიშნული პერსონალური პენსიითურთ, აღემატება მე-4 მუხ. აღნიშნულ მაქსიმალურ რაოდენობას, პერსონალური პენსია მიეცემა მას სათანადოდ შემცირებული რაოდენობით, თუ ვინცობაა სხვა რამ არ არის გათვალისწინებული ა/კფსრ სახალხო კომისართა საბჭოს დადგენილებაში პენსიის დანიშნვის შესახებ.

8. ა/კფსრ სახალხო კომისართა საბჭოს მიერ დანიშნული პენსიების გაცემით გამოწვეული ხარჯი მიეკუთვნება ა/კფსრ ფინანსთა სახალხო კომისარიატის ხარჯთაღრიცხვას.

9. უკეთუ პერსონალური პენსია მიეცა იმ პირს, რომელსაც აქვს სოციალური დაზღვევის წესით პენსიის მიღების უფლება, სოციალური დაზღვევის ორგანო შეიტანს ხაზინის შემოსავალში ა/კფსრ ფინანსთა სახალხო კომისარიატის ბიუჯეტით ისეთ თანხას, რაც უდრის ნორმალური სადასაზღვეო უზრუნველყოფის რაოდენობას.

10. ის პირი, რომელსაც პერსონალური პენსია ეძლევა, სახელმწიფოსაგან, პერსონალური პენსიის გარდა, სხვა ვერაფერს ვერ მიიღებს უზრუნველსაყოფად. უკეთუ იგი უზრუნველყოფილ იქნა ნატურით, ამ უზრუნველყოფის ღირებულება გამოირიცხება პერსონალური პენსიის თანხიდან, სამკურნალო დახმარების გარდა.

11. წინადადება მიეცეს ა/კფსრ შედგენილებაში შემავალი რესპუბლიკების ცენტრალურ აღმასრულებელ კომიტეტებს შეიტანონ თავიანთ კანონმდებლობაში ამა დადგენილებიდან გამომდინარე ცვლილებანი.

ამიერკავკასიის ცენტრალური აღმასრულებელი

კომიტეტის თავმჯდომარე **ს. აღამალი-ოღლი.**

ა/კფსრ სახალხო კომისართა საბჭოს თავმჯდომარე **შ. ელიავა.**

ამიერკავკასიის ცენტრალური აღმასრულებელი

კომიტეტის მდივანი **ა. შავერდოვი.**

1928 წ. სექტემბრის 3. ტფილისი—სახალხო.

გამოქვეყნებულია „ზარია ვოსტოკა“-ს 222 №-ში 1928 წ. სექტემბრის 27-ს.

დადგენილება № 64 ა/კსფსრ სახალხო კომისართა საბჭოსი.

204. ა/კსფსრ-ის კოოპერაციისათვის სახელმწიფო ბიუჯეტით გადადებული ასიგნებების დასაბრუნებელ და დაუბრუნებელ ასიგნებად განაწილების წესების დამტკიცებისა და ა/კსფსრ შედგენილობაში შემავალი ცალკე რესპუბლიკებისათვის დასაბრუნებელი ასიგნებების გადაცემის ტექნიკური წესის დამყარების შესახებ.

ა/კსფსრ სახალხო კომისართა საბჭო ადგენს:

დამტკიცებულ და სამოქმედოდ შემოღებულ იქნეს შემდეგი წესები.

ა/კსფსრ სახალხო კომისართა საბჭოს თავმჯდომარე შ. ელიავა.

ა/კსფსრ სახ. კომისარ. საბჭ. საქმ. მმართ. თან. დრ. აღმ. ა. ბომბინი.

1928 წ. აგვისტოს 23. ტფილისი—სასახლე.

გამოქვეყნებულია „ზარია ვოსტოკა“-ს 223 №-ში 1928 წ. სექტემბრის 27-ს.

წ ე ს ე ბ ი

ა/კსფსრ-ის კოოპერაციისათვის გრძელვადიანი კრედიტის მისაცემად 1927 წ. ოქტომბრის 1-დე სახელმწიფო ბიუჯეტით გადადებული ასიგნებების დასაბრუნებელ და დაუბრუნებელ ასიგნებად განაწილებისა და ა/კსფსრ შედგენილობაში შემავალი ცალკე რესპუბლიკებისათვის დასაბრუნებელი ასიგნებების თანხების გადაცემის ტექნიკური წესის დამყარების შესახებ.

1. ა/კსფსრ კოოპერაციისათვის ხანგრძლივი კრედიტის მისაცემად 1927 წ. ოქტომბრის 1-დე გადადებულ სახელმწიფო საბიუჯეტო ასიგნებიდან დაუბრუნებელ ასიგნებებს უნდა მიეკუთვნოს:

ა) სესხი, რაც ირიცხებოდა ისეთ ლიკვიდაციამწიფი კოოპერატიულ ორგანიზაციაზე, რომელსაც არ დაუტოვებია თავის შემდეგ უფლების მენაცვლე და ქონებრივი მასსა, რაც შეიძლება მიქცეულ იქნეს ამ სესხით დავალიანების დასაფარავად;

ბ) სესხი, რომლის ჩამოწერაც გათვალისწინებულია შრომისა და თავდაცვის საბჭოს და ა/კსფსრ სახალხო კომისართა საბჭოს მიერ უკვე გამოცემული დადგენილებით;

გ) სესხი, რომლის დანიშნულებასაც შეადგენდა კოოპერატიული ორგანიზაციების ზარალის დაფარვა მათ მიერ სახელმწიფოს დავალებათა შესრულების სფეროში.

2. სახელმწიფო საბიუჯეტო ასიგნებებიდან დასაბრუნებელ ასიგნებს უნდა მიეკუთვნოს:

ა) ყველა სესხი 1927 წ. ოქტომბრის 1-დე გადადებულ სახელმწიფო საბიუჯეტო ასიგნებებიდან, რამდენადაც იგი მიკუთვნებულ არ იქნება ამა წესების 1-ლი მუხ. მიხედვით ჩამოსაწერ სესხთა კატეგორიისათვის;

ბ) ის სახსარი 1927 წ. ოქტომბრის 1-დე გადადებულ სახელმწიფო საბიუჯეტო ასიგნებებიდან, რაც გრძელვადიანი სესხის სახით კოოპერატიული ორგანიზაციებისათვის მიუტყემელი დარჩა და ირიცხება სრულიად რუსეთის კოოპერატიული ბანკის რესპუბლიკანურ განყოფილებებში იმ დროისათვის, როდესაც, ამა მუხლის ლიტ. „ა“ მიხედვით, გამორკვეული უნდა იყოს ასიგნებათა თანხა.

3. დასაბრუნებელ ასიგნებათა ზედმიწევნითი რაოდენობის განსაზღვრა, ამა წესების მე-2 მუხ. მიხედვით, დაეკისრება ა/კსფსრ ფინანსთა სახალხო კომისარიატს, ა/კსფსრ ვაჭრობის სახალხო კომისარიატთან, ყოველი სახის კოოპერაციის ამიერკავკასიის კოოპერატიულ ცენტრებთან და სრულიად რუსეთის კოოპერატიული ბანკის საქართველოს განყოფილებასთან ერთად.

4. აღნიშნული რაოდენობის გამორკვევისა და ამის შესახებ აქტის შედგენისთანავე, რასაც ხელს მოაწერენ ა/კსფსრ ფინანსთა სახალხო კომისარიატი და სრულიად რუსეთის კოოპერატიული ბანკის საქართველოს განყოფილება, ა/კსფსრ ფინანსთა სახალხო კომისარიატი აცნობებს ა/კსფსრ შედგენილობაში შემავალი რესპუბლიკების ფინანსთა სახალხო კომისარიატებს, ხოლო სრულიად რუსეთის კოოპერატიული ბანკის საქართველოს განყოფილება—ბანკის განყოფილებებს აზერბაიჯანსა და სომხეთში, კოოპერაციისათვის გადადებულ დასაბრუნებელ ასიგნებათა საერთო თანხას, რაც უწყებულ რესპუბლიკაზე მოდის და რაც, „ა/კსფსრ კოოპერაციისათვის მისაცემი გრძელვადიანი კრედიტის ფონდების დებულების“ (ა/კსფსრ კან. კრ. 1928 წ. მე-10 №-რი, მუხ. 113) თანახმად, შეადგენს სათანადო რესპუბლიკის კოოპერაციისათვის მისაცემი გრძელვადიანი კრედიტის საერთო ფონდის ძირითად საფუძველს.

5. მე-4 მუხლის მიხედვით შეტყობინებული ციფრების თანახმად, რესპუბლიკანური ფინანსთა სახალხო კომისარიატები, „კოოპერაციისათვის მისაცემი გრძელვადიანი კრედიტის ფონდების დებულების“ მე-8 მუხლთან შეფარდებით, დასდებენ სრულიად რუსეთის კოოპერატიული ბანკის განყოფილებებთან აზერბაიჯანში, სომხეთში და საქართველოში ხელშეკრულებებს აღნიშნული სახსარის გრძელვადიანი კრედიტის საერთო ფონდებში გადაცემის თაობაზე, თანაც, „კოოპერაციისათვის მისაცემი გრძელვადიანი კრედიტის ფონდების დებულების“ საფუძველზე, დაწვრილებით დაადგენენ როგორც საერთო ფონდის თანხების გადაცემის პირობებს, ისე საერთო ფონდის თანხების გამოყენების წესს.

6. უწყებული რესპუბლიკის ზედრი დასაბრუნებელი ასიგნების რაოდენობის შეტყობინებასთან ერთად, ა/კსფსრ ფინანსთა სახალხო კომისარიატი და სრულიად რუსეთის კოოპერატიული ბანკის საქართველოს განყოფილება, რესპუბლიკანური ფინანსთა სახალხო კომისარიატებისათვის და სრულიად რუსეთის კოოპერატიული ბანკის განყოფილებებისათვის (კუთვნილებისამებრ) ცნობების

გაგზავნის დროს (მუხ. 4) გამოარკვევენ, მე-3 და 4 მუხ. წესისამებრ, სათანადო აქტში აღნიშვნით (მუხ. 4), აგრეთვე საერთო ფონდების მეორე შემადგენელ (გადახდილ) ნაწილს, რაც 1926 წ. ოქტომბრის 1-დან შესულა სრულიად რუსეთის კოოპერატიული ბანკის რესპუბლიკანურ განყოფილებებში წინა წლების ბიუჯეტებით საბიუჯეტო ასიგნებებიდან გაცემული სესხის ანგარიშში.

7. მთელი იმ ვადის განმავლობაში, რაც კოოპერაციისათვის მისაცემი გრძელვადიანი კრედიტის საერთო ფონდის სახსარის გამოყენება გაგრძელდება, ფინანსთა სახალხო კომისარიატები აწარმოებენ აღნიშნული ფონდიდან გაცემულ სესხთა მოძრაობისა და აგრეთვე ამ სესხთა ანგარიშით შემოსული თანხების აღნუსხვას.

8. ამიერკავკასიის (ფედერატიული) კოოპერატიული ორგანიზაციების მიმართ სათანადო დასაბრუნებელი ასიგნებების (მე-2 და 3 მუხ. მიხედვით) აღნუსხვის წარმოება დარჩება ა/კსფსრ ფინანსთა სახალხო კომისარიატში და რესპუბლიკების ფინანსთა სახალხო კომისარიატებში იგი გადავა ამ ფონდების ყოველწლიური განასიგნვის წესით, უკეთუ ა/კსფსრ უმაღლესი ეკონომიური საბჭოს დადგენილებებით („გრძელვადიანი კრედიტის ფონდების დებულების“ მე-3 მუხლის მე-3 შენიშვნა) ეს ფონდები მიიქცევა რესპუბლიკანური კოოპერაციის ფინანსიურად მოგვარებისათვის.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისარიატისა და საბჭოსი.

205. ა/კსფსრ ერთიანი სახელმწიფო ბიუჯეტით სოფლის მეურნეობის ფინანსიურად მოგვარების დებულების დამტკიცებისა და სამოქმედოდ შემოღების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისარიატისა და საბჭოსი ადგენენ:

დამტკიცებულ და სამოქმედოდ შემოღებულ იქნეს შემდეგი დებულება.

დ ე ბ უ ლ ე ბ ა

ა/კსფსრ ერთიანი სახელმწიფო ბიუჯეტით სოფლის მეურნეობის ფინანსიურად მოგვარების შესახებ.

1. ა/კსფსრ ერთიანი სახელმწიფო ბიუჯეტით სოფლის მეურნეობის ფინანსიურად მოგვარებისათვის გადადებული ასიგნებები განაწილდება დასაბრუნებელ და დაუბრუნებელ ასიგნებად.

2. ა/კსფსრ შედგენილობაში შემავალი რესპუბლიკების მიწათმოქმედების სახალხო კომისარიატების ხარჯთაღრიცხვებში შეიტანება მხოლოდ დაუბრუნებელი ასიგნებები სოფლის მეურნეობის ფინანსიურად მოგვარებისათვის.

3. იმ ასიგნებიდან, რაც სოფლის მეურნეობის ფინანსიურად მოგვარებისათვის კრედიტების სახით ბიუჯეტში შეიტანება, დაუბრუნებელ ასიგნებებს მიუკუთვნება:

ა) ასიგნვა კომერციული (სამეურნეო) ანგარიშის პრინციპზე მომქმედ სახელმწიფო სასოფლ-სამეურნეო საწარმოთა საწესდობო კაპიტალებისათვის;

ბ) ასიგნვა ამიერკავკასიის სასოფლო-სამეურნეო ბანკისა და სას.-სამეურნეო კრედიტის საზოგადოების (რესპუბლიკანური სას.-სამ. ბანკები) ძირითადი კაპიტალებისათვის;

გ) ასიგნვა დიდი მასშტაბის საირიგაციო, სამელიორაციო და სხვ. ღონისძიებათათვის;

დ) ასიგნვა სხვა ღონისძიებათათვის, ა/კსფსრ მთავრობის დადგენილებით თვითეულ ცალკე შემთხვევაში.

4. სოფლის მეურნეობის ფინანსიურად მოგვარებისათვის გადადებული დასაბრუნებელი ასიგნებები გაიცემა ა/კსფსრ ერთიანი სახელმწიფო ბიუჯეტით სასოფლო-სამეურნეო ხასიათის ღონისძიებისათვის სესხის გასაცემად იმ შემთხვევაში, როდესაც ფინანსიურად მოხაზვარებელი ღონისძიება საჭიროებს განსაკუთრებულ პირობებს ვადებისა, საპროცენტო განაკვეთისა და კრედიტის მიცემის წესისათვის. დანარჩენ შემთხვევაში სოფლის მეურნეობისათვის კრედიტის გაიცემა განხორციელდება სასოფლო-სამეურნეო კრედიტის სისტემის ანგარიშით, აგრეთვე სხვა საკრედიტო დაწესებულებათა ანგარიშით, რომელნიც სოფლის მეურნეობის ფინანსიურად მოგვარებას აწარმოებენ.

5. ყველა დასაბრუნებელი ასიგნვა გადაეცემა ამიერკავკასიის სასოფლო-სამეურნეო ბანკს: ან მასთან დაარსებული ფონდებისათვის, ან სპეციალური დანიშნულების სახსარის სახით.

6. ფონდების შექმნისა, გამოყენებისა და ლიკვიდაციის წესი განისაზღვრება ა/კსფსრ საკანონმდებლო ორგანოს მიერ დამტკიცებული დებულებით სათანადო ფონდის შესახებ.

7. ბიუჯეტით ფონდებში გადადებულ ასიგნებებს, მთელი იმ ვადის განმავლობაში, რაც ფონდები იარსებებს, ბანკები წარმართავენ ფონდის დანიშნულებით განსაზღვრულ ღონისძიებათათვის კრედიტის გასაცემად და ეს ასიგნებები ხაზინაში შევა მხოლოდ ლიკვიდაციის დროს; ამასთანავე, საკითხს ხაზინის წინაშე ბანკების პასუხისმგებლობის განსაზღვრის თაობაზე გადასწყვეტს ა/კსფსრ მთავრობა ამა თუ იმ ფონდის დაარსების დროს. ამავე წესისამებრ გადასწყდება საკითხი ამ ფონდებიდან გაცემულ სესხთა საპროცენტო განაკვეთის რაოდენობის შესახებ.

8. მე-5 მუხლით გათვალისწინებულ ფონდებს ეკუთვნის:

ა) გოლვასთან ბრძოლის ფონდი;

ბ) სოფლის უღარიბესი ნაწილისათვის მისაცემი კრედიტის ფონდი.

გ) კოლექტიურ მეურნეობათათვის მისაცემი კრედიტის ფონდი.

9. სპეციალური დანიშნულების სახსარი გადაეცემა ამიერკავკასიის სასოფლო-სამეურნეო ბანკს სასოფლო-სამეურნეო კრედიტის საზოგადოებათათვის

(ა/კსფსრ შედგენილობაში შემავალი რესპუბლიკების სას.-სამ. ბანკებისათვის) გადასაცემად იმ მიზნით, რომ გაცემულ იქნეს სესხი ამა თუ იმ განსაზღვრული ღონისძიებისათვის ა/კსფსრ მთავრობის დავალების შესრულების წესით; ეს სახსარი დაებრუნება ხაზინას ა/კ. სას.-სამ. ბანკის მიერ გაცემულ სესხთა დაფარვისადაკვალად.

10. სპეციალური დანიშნულების სახსარის გამოყენების წესი დამყარდება განსაკუთრებული ხელშეკრულებებით ერთის მხრით — ხაზინასა, ა/კსფსრ ფინანსთა სახალხო კომისარიატის სახით, და მეორეს მხრით — ამიერკავკასიის სასოფ.-სამეურნეო ბანკს შორის.

11. სპეციალური დანიშნულების სახსარად ითვლება:

ა) ასიგნვა გადასახლებულთათვის სესხის მისაცემად;

ბ) ასიგნვა სასოფლო-სამეურნეო საკრედიტო ამხანაგობათა და მათ კავშირთათვის სესხის მისაცემად ძირითადი კაპიტალებისათვის.

12. მე-8 და 11 მუხლებში აღნიშნული ფონდებისა და სპეციალური დანიშნულების სახსარის გარდა, ა/კსფსრ მთავრობის დადგენილებით, შეიძლება დაარსებულ იქნეს აგრეთვე სხვა ფონდი და სპეციალური დანიშნულების სახსარი.

ა/კსფსრ მთავრობის მიერ ფონდებისა და სპეციალური დანიშნულების სახსარის დაარსება, ამ ფონდებში და სახსარში ასიგნვების გადადება და მათი გამოყენების წესი შეთანხმებულ უნდა იქნეს სათანადო ღონისძიებათა საერთო გეგმებთან.

ამიერკავკასიის ცენტრალური აღმასრულებელი
კომიტეტის თავმჯდომარე **ს. აღამალი-ოღლი.**

ა/კსფსრ სახალხო კომისართა საბჭოს თავმჯდომარე **შ. ელიავა.**

ამიერკავკასიის ცენტრალური აღმასრულებელი
კომიტეტის მდივანი **ა. შავერდოვი**

1928 წ. სექტემბრის 3. ტფილისი — სასახლე.

გამოქვეყნებულია „ზარია ვოსტოკა“-ს 224 №-ში 1928 წ. სექტემბრის 28-ს.

დადგენილება № 132 ამიერკავკასიის შრომის სახალხო კომისარიატისა.

1928 წლის სექტემბრის 19.

206. ცეცხლის შემკეთებელთა სავალდებულო სწავლების შე- სახებ.

ა/კ. შრომის სახალხო კომისარიატი ადგენს: შემოღებულ იქნეს სამოქმედოდ ა/კსფსრ ტერიტორიაზე სსრკ შრომის სახალხო კომისარიატის 1928 წ.

სექტემბრის 4-ს თარიღისა და 512 №-ის დადგენილება „ცეცხლის შემკეთებელთა სავალდებულო სწავლების შესახებ“.

ა/კსფსრ შრომის სახ. კომისრის მოადგილე **ბანოვიჩი**.

ა/კ. შრ. სახ. კ-ტის კოლეგიის წევრი
და შრომის დაცვის განყოფ. გამგე **შახსუფარია**.

ა/კ. შრ. სახ. კ-ტის საერთო-საორგ. განყ. გამგე **ათაბეგოვი**.

გამოქვეყნებულია „ზარია ვოსტოკა“-ს 224 №-ში 1928 წ. სექტემბრის 28-ს.

დადგენილება ამიერკავკასიის ცენტრალური აღმასრულებელი კომიტეტისა.

207. ამიერკავკასიის ცენტრალურ აღმასრულებელ კომიტეტთან არსებული მშრომელ ქალთა შრომისა და ყოფა-ცხოვრების გამაუმჯობესებელი კომისიის დებულების დამტკიცებისა და სამოქმედოდ შემოღების შესახებ.

ამიერკავკასიის ცენტრალური აღმასრულებელი კომიტეტი ადგენს:
დამტკიცებულ და სამოქმედოდ შემოღებულ იქნეს შემდეგი დებულება.

ამიერკავკასიის ცენტრალური აღმასრულებელი
კომიტეტის თავმჯდომარე **ს. კახიანი**.

ამიერკავკასიის ცენტრალური აღმასრულებელი
კომიტეტის მდივანი **ა. შავერდოვი**.

1928 წ. ივლისის 24. ტფილისი—სასახლე.

დ ე ბ უ ლ ე ბ ა

ამიერკავკასიის ცენტრალურ აღმასრულებელ კომიტეტთან არსებული მშრომელ ქალთა შრომისა და ყოფა-ცხოვრების გამაუმჯობესებელი კომისიის შესახებ.

1. ამიერკავკასიის ცენტრალურ აღმასრულებელ კომიტეტთან არსებული მშრომელ ქალთა შრომისა და ყოფა-ცხოვრების გამაუმჯობესებელი კომისია მოეწყოზა ამიერკავკასიის ცენტრალური აღმასრულებელი კომიტეტის პრეზიდიუმის წევრის თავმჯდომარეობით და ამიერკავკასიის შრომის სახალხო კომისა-

რიატისა, ა/კ. პროფესიონალურ კავშირთა საბჭოს, ამიერკავკასიის კოორპერაციის ორგანოებისა, ამიერკავკასიის ცენტრალურ აღმასრულებელ კომიტეტთან არსებულ, ვ. ი. ლენინის სახელობის ფონდის კომისიისა, სრულიად საკავშირო კომუნისტური პარტიის (ბ) ამიერკავკასიის საოლქო კომიტეტის მუშა-ქალთა და გლეხ-ქალთა განყოფილებისა, ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებთან არსებული მშრომელ ქალთა შრომისა და ყოფა-ცხოვრების გამაუმჯობესებელი კომისიების თითო წარმომადგენლისა, პასუხისმგებელი მდივნისა და პერსონალურად მოწვეულ პირთა შედგენილობით.

შენიშვნა. ამიერკავკასიის ცენტრალურ აღმასრულებელ კომიტეტთან არსებულ მშრომელ ქალთა შრომისა და ყოფა-ცხოვრების გამაუმჯობესებელ კომისიას უფლება აქვს, თვითეულ ცალკე შემთხვევაში, მიიწვიოს სათათბირო ხმის უფლებით სათანადო დაწესებულებისა და საწარმოს წარმომადგენელი და აგრეთვე მცოდნე პირი.

2. კომისიას დაეკისრება:

ა) საერთო ხელმძღვანელობა გაუწიოს ა/კსფსრ ტერიტორიაზე ა/კსფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებთან არსებულ მშრომელ ქალთა შრომისა და ყოფა-ცხოვრების გამაუმჯობესებელი კომისიების მთელ მუშაობას;

ბ) შეასრულოს ა/კ. ცენ. აღმ. კ-ტის სპეციალური დავალებანი მშრომელ ქალთა შრომისა და ყოფა-ცხოვრების გაუმჯობესების საკითხების სფეროში;

გ) ხელი შეუწყოს ქალთა შესახებ არსებულ კანონმდებლობის განხორციელებას ა/კსფსრ ტერიტორიაზე (საყოფაცხოვრებო დანაშაულთა შესახებ, ოჯახისა და ქორწინების სამართლის შესახებ და ქონებრივი და საადგილმამულო უფლების შესახებ);

დ) იქონიოს ინიციატივა, რათა რესპუბლიკანურმა კომისიებმა აღძრან, არსებული წესისამებრ, შუამდგომლობანი „გ“ პუნ. აღნიშნული მიზნით და მიიღოს კულტურულ-განმანათლებელი და ეკონომიური ღონისძიებანი ქალთა დამონაწიებისაგან განთავისუფლებისათვის;

ე) შეიმუშაოს და წარადგინოს, არსებული წესისამებრ, სათანადო ცენტრალურ ორგანოებში ქალთა ეკონომიური და უფლებრივი უთანასწორობის აღმოფხვრისათვის მიმართული საკანონმდებლო განზრახულებანი, და მისცეს დასკვნა ცენტრალური ორგანოების მიერ გადაცემული პროექტების გამო, რაც მშრომელ ქალთა ინტერესების დაცვას შეეხება;

ვ) მისცეს დასკვნა ა/კსფსრ ცენტრალური ორგანოების ყოველგვარი ღონისძიების გამო, რაც დაკავშირებულ იქნება მშრომელ ქალთა ყოფა-ცხოვრებასთან და ეკონომიურ და უფლებრივ მდგომარეობასთან;

ზ) ხელი შეუწყოს ქალთა შესახებ არსებულ კანონმდებლობის პოპულიარიზაციას მცხოვრებთა მასებში, განახორციელოს სათანადო გამოკვლევანი და ხელი შეუწყოს ქალთათვის უფლებრივ სფეროში დანმარების ორგანიზაციას;

თ) ხელი შეუწყოს დედობისა და ჩვილობის დაცვისათვის წარმოებულ მუშაობას, სკოლამდე აღზრდის საქმეს და კულტურულად ჩამორჩენილ რაიონებში ქალთა შორის სასანიტარო-საგიგიენო ცოდნის გავრცელებას;

ი) შეათანხმოს და გააერთიანოს მშრომელ ქალთა შრომისა და ყოფაცხოვრების გამაუმჯობესებელი რესპუბლიკანური კომისიების მიერ განსახორციელებელი ღონისძიებანი დამონავებისაგან ქალთა სრულიად განთავისუფლებისათვის, როგორც არის: უმუშევრობისა და პროსტიტუციის წინააღმდეგ ძრძოლის ღონისძიებათა შემუშავება, ქალთა შრომისა და ყოფა-ცხოვრებასთან დაკავშირებული საკითხების შესწავლა (როგორც დამოუკიდებლად, ისე სათანადო სამეცნიერო დაწესებულებისა და ორგანიზაციის მეშვეობით) განსაკუთრებით კულტურულად ჩამორჩენილ რაიონებში;

კ) გაუწიოს საერთო მეთვალყურეობა და კონტროლი ა/კფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებთან არსებული კომისიების მიერ მშრომელ ქალთა ინტერესების უზრუნველყოფის ღონისძიებათა განხორციელებას, როგორც არის: მათი წარმოებაში და სახელმწიფო აპარატში ჩაბმა, მათი კოოპერატიულად მოწყობა და მათი შრომის შემამსუბუქებელ ღონისძიებათა და აგრეთვე მათი კულტურული ღონის განვითარებასთან დაკავშირებული საკითხების დამუშავება (სკოლაში ჩაბმა, კულტურულ ძალთა მომზადება, მათთვის პოლიტიკური განათლების სისტემის მეშვეობით მომსახურების გაწევა და სხვ.);

ლ) იზრუნოს, რათა ა/კფსრ შედგენილობაში შემავალი რესპუბლიკების ცენტრალურ აღმასრულებელ კომიტეტებთან არსებულმა მშრომელ ქალთა შრომისა და ყოფა-ცხოვრების გამაუმჯობესებელმა კომისიებმა უზრუნველჰყონ ნაციონალურ უმცირესობათა მშრომელი ქალების ინტერესები.

3. ამიერკავკასიის ცენტრალურ აღმასრულებელ კომიტეტთან არსებული მშრომელ ქალთა შრომისა და ყოფა-ცხოვრების გამაუმჯობესებელი კომისია ანგარიშვალდებულია ამიერკავკასიის ცენტრალური აღმასრულებელი კომიტეტის წინაშე.

4. ამიერკავკასიის ცენტრალურ აღმასრულებელ კომიტეტთან არსებული მშრომელ ქალთა შრომისა და ყოფა-ცხოვრების გამაუმჯობესებელი კომისია მიიღებს მისთვის საჭირო მასალებს სათანადო სახელმწიფო და საზოგადოებრივ დაწესებულებათაგან და მოისმენს მათ მოხსენებებს, რაც ქალთა შრომისა და ყოფა-ცხოვრების გაუმჯობესებას ეხება; მოიწვევს, ამიერკავკასიის ცენტრალური აღმასრულებელი კომიტეტის პრეზიდიუმის ნებართვით, რესპუბლიკანური კომისიების თათბირებს და სხვა თათბირებს მშრომელ ქალთა შრომისა და ყოფა-ცხოვრების გამაუმჯობესების საკითხების გამო.

5. ამიერკავკასიის ცენტრალურ აღმასრულებელ კომიტეტთან არსებული მშრომელ ქალთა შრომისა და ყოფა-ცხოვრების გამაუმჯობესებელი კომისიისათვის საჭირო სახსარი, რაც დაკავშირებულია მშრომელ ქალთა კულტურულ, საყოფაცხოვრებო და ეკონომიურ საჭიროებათა მომსახურებასთან, — გათვალისწინებულ იქნეს ამიერკავკასიის ცენტრალური აღმასრულებელი კომიტეტის ბიუჯეტით.

6. ამიერკავკასიის ცენტრალურ აღმასრულებელ კომიტეტთან არსებული მშრომელ ქალთა შრომისა და ყოფა-ცხოვრების გამაუმჯობესებელი კომისიის შესანახად საჭირო ხარჯი მიეკუთვნება ამიერკავკასიის ცენტრალური აღმასრულებელი კომიტეტის ხარჯთაღრიცხვას.

7. ამიერკავკასიის ცენტრალურ აღმასრულებელ კომიტეტთან არსებულ მშრომელ ქალთა შრომისა და ყოფა-ცხოვრების გამაუმჯობესებელ კომისიას მომსახურეობას გაუწევს ამიერკავკასიის ცენტრალური აღმასრულებელი კომიტეტის ტექნიკური აპარატი. კომისიას აქვს ბეჭედი თავისი სახელწოდებით.

გამოქვეყნებულია „ზარია ვოსტოკა“-ს 225 №-ში 1928 წ. სექტემბრის 29-ს.